



977932

原序

官場多虛文而少實意每見書札往還皆書
記家言套語浮詞毫無真切之意最爲無謂
且不獨書札爲然也卽公牘移行何獨不然
上司所行者照例轉行或備文申覆不過虛
應故事絕無真心貫注於其間雖終朝判牘
堆案盈几一書吏能爲之亦何益於民生國
計乎 丙章 陳臬粵西欲與各守牧合實心求
治力挽積習因見

增定手札

序

陳文恭公手札其言剴切而中病樸實而近
理凡事上接下利己濟人無不原於克己推
以至誠洵可書爲座右銘奉爲治譜也刻板存
桂林省城急廣爲刷印散給各守牧令朝夕
省覽藉以自勉亦以勉諸同志庶幾可挽官
場虛文積習是書也夫豈徒尺牘贈答作良
朋規勸之助云爾哉

道光三年歲次癸未夏日仁和費丙章書於
臬署之問心軒

培遠堂手札節存卷上

桂林陳宏謀

著

寄四姪鍾璵書

癸丑

京中浮華須立定主意不爲所染蓋天下惟誠樸爲可久耳吾家世守寒素豈可忘本讀書見客事事檢點卽學問也

又

在京在途一有刻閒便當看書古人遊處皆學不過爲能收放心耳驕傲奢侈一點不可

培遠堂手札

卷上

一

三

沾染卽會客說話固須周旋然不可套語太多多則涉於油滑而不真矣

又

夷方風俗化導不易今將各處義學官田清出作爲束脩于各鄉設立義學卽令本地生童訓誨讀書雖不能通文而語言服物漸可變易又刊發朱子治家格言萬餘本分發各學並刊家禮四禮翼等書總之不知者以爲迂而知者以爲此根本工夫我之本意總望



化得一人是一人耳

寄曹貢九銚書

把晤未幾。又別萬里。拳匕之誼。寸心志之。吾兄處事。詳細周到。素所佩服。惟沾滯少決。遂動多懊悔。壁間養氣尊。聞聯語。楊侍御似有苦心。望畱意如此。得力將來仕途。便有把握。不致作兩截人也。

寄王罕皆步青書

邊方節孝。不比中土。而匹夫匹婦。慕義無窮。

培遠私節
卷上

一一



人性皆善。豈可一槩抹煞。乃向來數年。竟不舉一人。今已諄檄通查。此刻報到合例者。不下數十人。其餘兵火之際。玉石無分。同遭慘戮。或自縊投水者。不一而足。此種難有證據。亦無事蹟。惟詳請於被難之處。建廟置主。並表其墓。以慰幽魂。總之表幽貞於天末。雖似迂緩。而人心風俗。未始不因此各有感觸。此亦化導移易之一端也。

又

荒政古不絕書。獨未載有瘟疫政。母乃古來少疫氣流行之事耶。就邊地兩年而論。每遇疫氣盛行。竟多無一家不病之事。似應於荒政內增入此條。令地方官留意也。

又

吳門是非之地。不宜久處。然竊謂士人有不容已於瓜田李下之避。則瓜李之嫌。原不能盡避。倘事在可已。則並此不避。豈不更明心跡。未知高明以爲何如也。滇中年來所發各

書約千部以外。自知蠻煙瘴雨之鄉。難以驟語貫通。而以此爲傳世之物。庶後起者知世間有此種書。得所稽考。此至迂至拙之婆心也。

寄張

灝書

邊方與中土不同。書院義學。所謂多其教之地。廣其教之之人。登高之呼。莫切於此。書院則拔一省之俊髦。造就人材。敦崇實學。其掌教宜加遴選。務得學有根柢者爲之。學徒

則取其資質可以造就者不必盡係老師宿儒也義學宜城市與鄉村並設以詩書之氣化其囂競之風千百人中培植得一二人此二人又可轉相化導流風餘韻收效雖遲其功實可久遠

寄楊星亭嗣璟書

丙辰

鄉前輩賣志以歿未遂首邱聞之甚爲悵悵應盡之情當致之家中以作安葬之費此老向在都門家鄉靈柩之不能歸里者無不罄力相助卽就弟到京後而論成全者不下十餘柩據理而論今日之柩斷無不能歸粵者况又得諸位之主持自易易耳

又

衙門公費爲偶代者用去實無情理此等事只合以大度處之眼前虧損無多向後思之愈有滋味稍涉聲口未必大有裨益而使衙門中因此些須畱一爭執之迹貽人口實亦覺不雅五十金雖多亦有時而盡耳老兄以

大方排解。足徵遠見。弟竊謂人生境遇本無一定。心以爲不足。則常不足。心以爲有餘。則常有餘。十年前每年月俸不滿百金。八口衣食。均給於此。有不足之時。亦有有餘之時。今者過蒙

恩遇。歲將萬金。而逐月公私事務。有有餘之時。亦有不足之時。可見人之一生。可以終身在有餘之中。亦可以終身常在不足之中矣。所以一切服食酬應。終不脫寒儉本色。貽笑

大方。非其力有所容。抑此心有不敢自昧者耳。

又

吾鄉捏報之田。不下數十餘萬畝。今欲搜出。欺隱以圖抵補。自不肯卽爲開除。彈丸瘠土。生計無多。復添如許之新糧。田不加多。而賦將益重。粵民何堪。且以粵民之餘田。作外省廢員得官之捐費。於情於法。均未得平。不識議者以此事爲何如也。

寄劉含章新翰書

吾兄遠於學問。識見超脫。他日展布必大有可觀。惟是性氣宜平。心思宜專。平則不偏。專則不雜。不偏則事理得不雜。則可免始勤終怠之弊。非如世俗之以退縮爲平。以固執爲專也。迂闊之言。惟兄留意焉。

寄葛洵天正笏書

此間應賑者十四處。借種者十餘處。應賑之處。窮民多不願領。有領去隨繳還者。細詢其故。以一經領賑。終身不能發跡。用爲可恥。至今從無一人告求賑濟者。此以見滇民淳樸勝於他省耳。

寄王 文鼎書

大凡吾輩苟心存利濟。便覺功業無有盡期。而世間事事物物。亦到處形其缺陷。惟事事求其有益。念念矢之無愧。庶幾日計不足。月計有餘。此種境界。在身體力行後。當自領之耳。



寄尹元長先生繼善書 丁巳

行旌北指。舍姪尾行於後。今接途中寄來家書。備述經過沿途上下無擾。仁廉體恤。爲自來所未有。可知士大夫舉動均關風氣。在前人未必有心驚擾。不過視爲泛常。稍不體察。遂有許多不急之舉。雖一無所取。而下已不勝其擾矣。大人此行。不啻障百川而東之。廻狂瀾于既倒者也。

寄張 之頊書

增遺手稿卷上

七



邊方士習。半多平蕪。鮮有根柢。其弊總由先儒根本之書。鮮得寓目。卽偶一有之。又乏明師指授。咸以功難速效。未免望而疑畏。所示論言策問。酌古宜今。堪爲後學津梁。

寄周 採書

報滿後。陞用與否。難以懸定。惟應靜聽功名定數。食祿有方。以此汲汲弗遑之心。用之於遙遙莫必之地。似覺無益。不如就現在所居之位。行現在應辦之事。將來奉

旨超着擢固可欣慶。卽鵬飛稍待而奉職克勤亦可問心無愧。况太守官不爲卑。歷任至十八年在當局者覺其淹滯。而由半生蹭蹬難涉黃堂。及甫經涖任。旋卽罷去者。看之又不啻在天上矣。隔山相望。山之高低不在山也。在乎人之心耳。試看四境士民所仰望者何事。上下同寅所倚藉者何事。乘此抖擻精神。鼓其餘勇。凡可以造福瀘民之事。竭力籌辦。本任應歸結之案。逐一清釐。當今切要之務。卽將來超擢之機也。迂闊之言。惟高明畱意焉。

寄內弟楊晦叔聲顯書

高堂無恙。努力宦途。爲地方做些好事。以展素蘊。不枉

朝廷恩遇。亦不枉讀書一場也。所謂好事者。如百姓苦累處。設法調劑。減得一分民受一分之益。至於地方水利田工。讀書化導之事。尤當隨時措注者。上司交際似亦禮所不廢。

然過求艱貴亦覺不必上司未必以此責望
屬員卽屬員之敬上司亦不盡在於此平日
恪守上憲功令凜遵上憲訓諭凡有檄行悉
心辦覆地方情形據實上聞此正所以敬上
憲故不盡在儀物間也

又

一介之士存心利物於物必有所濟況堂堂
百里侯耶總之下情必要上達倘奉上行必
就本處民情土俗據實上聞於詳盡之中寓

培遠堂札

卷上

九

三

委婉之意則於事有濟而上下得體也地方
雖云簡僻然一處有一處之風俗一處有一
處之利弊隨處籌畫方爲盡心於民幸毋以
事不到前卽爲無事可辦也

寄廣西府

書

戊午

牧民之道不過教養二端就滇言滇夫役私
派之累早已革除可以稍紓民力惟地土瘠
薄出產無多兼之食指浩繁米糧艱貴養之
一字惟有興修水利勸諭墾種力行社倉是

其急務。每年多種幾畝田地。多收幾石糧食。卽爲窮民資生之本。而村寨多積幾石社穀。則籽種有賴。遇有荒歉。有備可以無患矣。教之一字。則惟勤宣化導。力行義學。廣發書籍。學校爲風俗之原。士習端而民風亦厚矣。以上各條。均奉憲行。釐定條規。三令五申。不遺餘力。甚望切爲經理。庶幾觀效有日也。

寄陳韶書

凡事不顧公事之有益與否。而先持一自以爲是之意。見是己者樂之。非己者惡之。此爲剛愎自用。滿盈招損。不但於公事無益。卽自己亦受虧損。不淺迂闊之論。未知諸君以爲何如也。

寄顧用方琮書

永定河築堤建壩。不但補偏救弊。徒糜帑金。兼恐養癰遺患。愈久愈難調治。以棄爲取。以不治爲治之說。人人知之。而卒不言者。迹涉更張。重於改作耳。惟憲臺宏才卓識。久有此

議彼時大部所駁止以民間田園墳墓難於遷徙爲言此外別無異議卽鄂相國以遙堤爲萬不可行亦止云河水突然而來截然而止非比黃河云云究竟突然截然何以不便於遙堤之處未曾道破似非確論正惟其突然截然之水而限之以堤束之以河則隨處冲激若聽其游衍於寬廣之區亦斷無不平不順之理竊恐議論日多一日而河患日深一日卽有再爲以棄爲取之議者亦因日前

之旋奏旋改而以爲事不可行多此一層駁案矣細詢輿論無不以淀淤爲直省將來之大患而淀之淤與不淤則在永定河之治與不治是永定一河有關全直利害也今奉聖明詢及一勞永逸之法此真千載一時夫以棄爲取之說突然及之本屬紛更今旣奉有

明問若再輕描淡寫了此公案明年汛期安保其水不爲患是

上再四有一勞永逸之旨而司事者終不免作補偏救弊之圖也況事勢之順逆難易本難一一預料惟視其關係何如耳所關不甚緊要則逆而難自不如其順而易如所關者大而且遠則與其順而坐失機宜毋寧逆而幸其有濟卽不克濟於今日或者濟於將來也夫成大功者不顧小嫌建遠略者難期近效竊以爲永定河一勞永逸在今日此舉

又

遠築遙堤作爲東西保障中間河身寬廣汎水漲發四處漫衍勢緩則無沖決之患水淺則無淹沒之虞而且淤積於地止餘清水仍歸淀中不致淤淀尾間不塞卽可達海水落之後地愈肥饒正可種麥不與水爭地而地之所獲倍豐不築堤衛民而民之安堵愈固堤外村莊或可填高地基或可遷移堤內卽按戶賞給遷移銀兩亦不過一年搶修築堤之費在小民雖有一時遷移之勞而可以永

獲麥收之益又可免年年冲決之患日計似乎不足月計卽已有餘

寄王

者輔書

己未

居嘗謂天下之大得百自了漢不如得一熱腸人自了漢止知有己不知有人而斯世斯民何所依賴熱腸者隨時隨地必期於世有益有此熱腸然後可以言措施言利濟於一己之得失反覺無足介意也

寄儲觀察之盤書

境遠亭私篋

卷上

十三



待罪藩宣爲國薦賢原屬公義每見世俗官場一經薦舉便以師生稱謂心竊非之自返歷任以來歷荷上官知遇受知最深者如尹如程均蒙列薦然俱未有師生之稱惟司農高公則以爲諸生時文章受知收入書院肄業久在弟子之列又不同官場矣吾輩道味相親久而彌篤惟當彼此勸勉共勵公忠又不在此形迹間也

寄徐

德裕書

同僚相遇豈能人人盡如己意。唯虛公而又體之以恕。常覺在己未必盡。是在人未必盡。非則自然少所滯礙。籌畫地方利弊。不可止圖目前。在任一日。須盡一日之心。而經手倉庫錢糧。則又須作刻刻可以交盤之想。如是而已。

寄尹元符會一書

本朝魏環溪先生居家立朝。俱能克己力行。不愧有用真儒。寒松堂集惟稼書先生三魚

堂集與之後先輝映。其有益於後學不淺也。近來蒙養一節。絕少畱意。里閭無佳子弟。朝堂焉得有好人。才久欲輯弟子學則一書。以古人嘉言懿行。有益於弟子者。勒成一書。第所採取廣而抉擇須精。非一時所能卒業。故取朱子白鹿洞揭示諸條。明白顯易者。輯爲養正遺規。卷帙不多。易於流布。適已山在此相商。編輯業已付梓矣。

凶年興工窮民藉以食力比之賑濟原覺均平無爭但必須工價稍寬使民於口糧之外可以養贍家口若如直隸代賑之工止給飯食其價止平時十分之三是反於凶年而派民大差殊非代賑之意今歲各工已詳請概照帑脩一例給價小民踴躍已有明效明年亦照此辦理也天津爲衆水歸海之區被潦者十年而九皆由於水不行地中盈尺之水四境漫延非水之能灾人乃人不能留餘地以容水也但節節而爲之消於此者溢於彼終不免以鄰爲壑必得相其高下審其脈絡使水有所歸乃爲一勞永逸雖爲費甚鉅而以三四年蠲賑之費爲之有餘與其年年仰食於官不若此舉藏富於民也

寄張侍御

考書

居官者惟以缺地之美惡定宦途之順逆旣泄其地遂疾視其民不以爲民不知恩則以爲民不畏法而士民亦從而腹誹之上下交

疾而治道不可問矣。夫一門之內，尚復頑良不一，何況一邑，何況一省。正惟人有頑良也，故設官以治之。官其地者，當與其地之人情苦樂風俗美惡，有不容已之情誼，有必當盡之職守，早夜孜孜，求所以轉移化誨之道。戒之用威，董之用休，善政於是乎出，國奢示儉，國儉示禮，善教於是乎興。所謂有不忍之心，斯有不忍之政也。動謂民不知恩，盍先問已之有恩與否。動謂民不奉法，盍先問立法之善與否。居常持此以自勉，並勵僚屬，大率解此者，猶不失爲循良之吏。其餘則均不以爲然。其立意可知。其居官更可知。邊方民多樸陋，鮮知大體，本非敢於玩官，實畏官而不知所以敬官之道耳。

寄陸

福宜書

吾輩處不如意之事，遇不如意之人，惟益反躬自責，靜氣平心，以求一至是無非之道。弭謗在此，免禍亦在此。舍此而別生角抵之計。

恐無益而有害也。

寄尹元長先生書

翰苑爲儲才之地。兵農禮樂皆才也。他若風雲月露之章。冠冕堂皇之句。粉飾徒多。無裨世事。組織雖巧。何益身心。大人以真至之胸襟。裕切實之學問。平時落筆。不尙浮靡。隨意評品。力黜偏僻。今番定有振作引繩切墨。俾後進英俊羣萃。勵於根柢之文章。而奮發於有用之事業。此所爲遙望而生慶者也。

瓊臺私鑒

卷上

十七

寄馮光裕書

楚南半壁。其風固悍。其民亦貧。所知者舵桿之役。尤爲勞民傷財之最。本爲利濟而設。究於利濟無甚實效。得大賢爲之保釐。定能撫摩。噢咻。俾三湘日有起色也。

寄孫雋書

吾輩居官。當事事從民生起見。計久遠不計目前。尙實事不飾虛文。方不負朝廷爲民設官之義。亦不虛此生讀書濟世之意。至於緩

急輕重。隨宜變通。則又當虛心審度。以求其中平氣遇物。以協於衆。然後事克有濟也。

寄石

達沂書

士人以德行爲本。而門以內。尤爲根本切要之地。此處認真培養。根深末茂。源遠流長。正不可量。

寄楊星亭書

江蘇吏治頗有因循之病。一事到官。遷延不結。窮者守候失業。富者營求蕩產。一波未平。

漳臺私鑿

卷上

十八

三

一波復起。訟棍從中把持。胥蠹因而飽索。訟庭日擾。催駁盈帙。及至結案。仍是海市蜃樓。未彰公道。去冬曾徹底清查。未完之案有二千餘件。統列一單。按月彙催。并令將承辦吏姓名。填於文尾。擇其最玩者。指名提究。法在必行。上下衙門。持此一單。懸於心目。起新除舊。一月一查。半年以來。已完過半。再得三四月。積案可以全完。每月新案無多。隨手可辦矣。至於人尙智巧。事多變幻。有一事卽有一

弊。一日未結。卽有一日之弊。逐事提防。力有未勝。惟有遇事速結。庶幾稍省。

寄德松如先生書

承助以無倦二字。實爲切要。有恆可以基作。聖而無恆。則不可作巫醫。夫子論近仁。剛而兼毅。曾子論士。宏必及毅。蓋恆者常久之心。毅者定力之謂。皆無倦之謂也。且以觀天下古今之事。愈遠大則愈非。旦夕可以觀效。而有旦夕可以觀效者。決非遠大。利害固久而後見。是非亦久而益明。有識者計久遠。不計目前。爲民物不爲一己。當時或以爲迂。而久之業恆。基於此。苟有倦心。則稍有挫折。便生消沮。其何以濟。

寄家聖泉法書

生平無他嗜好。每處一地。臨一事。卽就其地。其事悉心講求。以期稍有裨益。然志廣願奢。百未如願。事雖未成。心實難已。有時過於勞悴。而亦不覺覺。亦不復惜也。年來精力漸不

如前而又當此煩劇之地隨事經理已苦難支若遇有疑難心要如此而力有不能者則寢食作止常懸心目不能擺脫不以事累心役物而不役於物捧讀明訓益服知我之切而愛我之深也諸儒語錄不免偏勝有疵一經朱子悉歸醇正有如布帛菽粟可以療饑可以禦寒近世言學亦知遵尙朱子而用功止憑口耳逞技惟在詞章終日讀書作文未知所讀之書於己何益所作之文於世何用其業居然讀書人亦未嘗不以讀書人目之究之於身世毫無所益甚有所行所存與書全相反者使世人謂書可以不讀讀書不必有用皆由於此是當以聖門知行合一之語因人指點隨時印證庶幾挽頽風於萬一耳

寄程

元樸書

官至兩司事權不輕責任尤重人心風俗最爲本務藩司不僅以會計管鑰爲了事猶之

臬司不僅以刑威搏擊爲了事。僅求免處分。完故套。於事何益。於心何安。三吳士習浮而鮮實。民風亦狡而多欺。地方官畏其難治也。未免有所因循。或以姑息出之。不知因循則事多遷延。株連無已。姑息則奸人竟爲法所不及。而善良反無以自全。每事涉官。無論大小。不分是非。展轉變幻。動至破家。皆由於此。

寄汪槐堂灑書

制義取士。義取闡發。精蘊囊括古今。而沿習

瓊臺私篋

卷上

廿一



既久。遺本逐末。談聲調。工勦襲。幅無心得之。語人尙空衍之。文於古今事。全不關會。於聖賢之言。本意亦鮮發明。士人習爲口頭禪。而世亦遂以敲門磚目之。時文之頹敝。而學術之空疏。大半由此。

寄宮怡雲爾勸書

吾輩居官制事。惟問義理之是非。不問時地之久暫。庶幾近之。竊以吏治之不古。若而生民不受其福。在位不能及民。皆坐此苟焉而

已之念誤之耳。津署書屋題曰恆齋。其記略云。人人視官衙如傳舍。

朝廷安所得百年不去之官而任之。卽此意也。

寄胡

承璘書

官場之事。論舉行則當局自易於旁觀。論是非則旁觀較明於當局。蓋當局者不但人多蒙蔽。卽自心先不免於蔽。故可畏也。能當局而時作旁觀之想。則得之矣。

壇臺手札

卷上

廿一一

三

寄朱南湖奎揚書

吾人一生安所得盡如我意之地而處之。安所得盡如我意之人而與之。惟有虛心觀理之既得。然後盡其在我。恕其在人。毋矯激。毋因循。總期於事有益。卽或事出意外。而返已無愧。心亦安之。諸葛武侯以吾心如權。不能爲人輕重者。理既得也。

寄周

人驥書

聖天子明目達聰。廣開言路。爲臣子者。惟有

知無不言。言無不盡。庶爲盡職。又不必問之部議之准行與否也。入告之體。事須關係。尤須着實。關係而着實。尤須平心靜氣以出之。詞不必已甚。意不必過激。乃爲得體。於事始克有濟。古人所以致歎於立說之難也。建言者執其一。二動以所見不謬。極力形容。初不知情態不一。知有此說而不知更有一說。以此動難相服。反啓齟齬。皆此故耳。

寄倪

象愷書

遠堂私學

卷上

廿三



此番主持鹽政。酌盈劑虛。自有一番妙用。天下之大。熙熙攘攘。爲利來往。以此爲生。人日用所必須。信賞必罰。體國經野。皆所以利之也。聖經以義爲利。又云用之者舒。可見此利字原不可廢。顧所以用之者何如耳。來翰及此。益徵經畫有素。比來之因利乘便。化無用爲有用。商民之享其利而不知者。益可想見矣。

寄顧用方書

寒素書生家無長物。幾歷仕途。豈不知動帑之難。豈不念賠累之苦。而事屬應行。費當不惜。有時不費固省。有時多費而亦省。惟熟計其事之有益與否。不能懼一已之後累。而忘國家之遠圖也。

寄周 開撓書

國家培養百年羣才。競奮不少。隨分供職之人。所少者實心任事之人。實心任事者。計久遠。不計目前。較大體。不拘小節。國家爲重。凡

增定私學 卷上

廿四

一時之得失。一已之功過。皆不暇顧。其迹似乎迂闊。近於好事而防患未然。慮周事後。月計不足。歲計有餘。

寄王 者相書

盜賊皆起於貧窮。貧窮皆由於無業。自來以保甲爲弭盜之計。不知防之使不敢爲盜。不若養之使不必爲盜也。所云編查惰民。誠得此意。惟編造之法。不患其遺濫。而患其紛擾。安插之法。不患其疏虞。而患其失養。尙宜通

盤籌及方可就地施行

寄孫雋書

樂邑時有命盜之案此作令第一要事亦第一難事總在不憚煩勞於勘驗時悉心推鞠初情既得以後便有把握且隨時完結可省無數拖累常有假命案盜案而含糊不結兩造俱傷不願終訟因而有諱命匿盜之事皆初勘不實有以釀成也至於地方利弊做得一件是一件自古迄今言政無過教養二端勤化導於先嚴勸懲於後皆教也廣開地利毋奪民時皆養也就直隸各屬而論俾各水均有去路則窪地之涸出者必多必早而種植亦必多此卽藏富於民也惟勉之

寄宮怡雲書

國家之事計久遠不計目前當費者則不必惜可惜者竟不必費司庫者皆以慎於出納免於侵那爲能事勢必作不終日之計費小時不肯爲必至害大費重而後爲之聖人以

出納之吝。列於四惡之末。初以爲何至於此。年來悉心體察。始得此意。此可爲知者道耳。

寄潘 銘山書

士人身入仕途。歷登顯要。非不極其遭逢之盛。而叩其所行。不過熟習彌文。了此套數。於斯世斯民。毫無裨益。揣分何安。問心滋愧。寶山空歸。正可嘆也。

寄德松如先生書

辛酉

爲國理財。節慎爲要。量入爲出。自是正論。然

愚見當問所用之爲何事。倘事在可已。無關利害。費雖少。亦所當惜。若事關民務。久遠利害者。雖重有費。亦當不惜。就大學生財。大道而言。如此經久有益之費。乃在爲之者疾生之者衆之內。不在用之者舒之內也。況事勢成敗。各有其漸。當爲之事。惜費不行。後雖多費。而不及行。或能及行。而所傷已多矣。在司計者。多一事。不如少一事。既可免目前駁詰。又可少日後干係。實於私計甚便。第恐人人

如此事事如此地方諸事日就廢棄亦非長策也

寄楊星亭書

國家興舉當計有益與否費多而有益日計不足月計有餘費猶不費也費少而無益並此少者亦枉費可惜徒滋擾擾耳司計者多主節慎一說未爲上策也

寄托 庸書

士人惟身心最爲切近其用功亦惟存心克



已二者最爲吃緊此處用得一分功夫便有許多得理之事所謂所操者約而所及者廣也然官場中所汲汲講求以爲要務者却不在此但須儀文習熟機緣湊合便爲得手程子云世人事事要好惟自己一個身心却不要好待事事好時此身心先已不好了今日官場內所爲待好正所謂身心先已不好者也

寄桐城相國張文和公書

州縣官一舉一動與百姓息息相關不獨貪廉爲小民身家所係卽勤惰明昧之間緩急寬嚴之別亦爲小民休戚所係現在隨時勸勉戒飭冀其各發天良咸思

朝廷設官爲民之義而不復存自利自私之心庶幾隨其才分之短長漸著其爲民之實效

寄黃

廷桂書

津海兩年晨夕過從披瀝敘談奉教最深知

增遠手札卷上

廿八

三

經濟識見俱從克己閱歷中來故有根柢不同任一時之氣雖有可觀不皆合理者可比也竊以恩怨太明古人所戒稍有成見則於事遂不得其平吾輩仕途幾經層折尤宜將夙昔芥蒂消歸何有以示公溥且身當鉅任

上酬

恩遇下副民望平心付物尙恐或失區區恩怨非惟不可亦有所不暇矣每時時以此自檢質之高明以爲何如也

寄德濟齋先生書

古聖賢之微言精義散在典籍惟讀書可以通其解亦惟讀書可以踐其實如止以詞章爲學雕琢雖工無關性情卽或矯語性命又未免談空說幻墮入理障旣無益於身心更何裨於民物書自書而我自我世人所以目讀書爲口頭禪謂作文爲敲門瓦負此書亦重負我矣大人實踐錄從孟子大體小體句獨得真詮指點親切曲暢旁通格物者格此

遠堂手稿

卷上

廿九



也致知者致此也修齊治平亦卽此而推也大體立而小體無權天理流行人欲退聽克己卽所以復禮也大體立而小體效用天君泰然百體從合踐形卽所以復性也

諭江西各府

官場陋習最講揣摩西江人情尤喜造謗一官之陟不以爲某人囑託所致則以爲某事迎合所致一官之黜不以爲某人中傷使然則以爲某事拂意使然至於斷案平反尤易

有捕風捉影之事。百凡惟知責人。不思返己。惟趨風氣。不按道理。不但士民有之。官場亦正不免。本部院無他技能。所講求者。是是非非之定理。所主持者。善善惡惡之公論。揣摩二字。總用不着。果能事事求其至是。而力於爲善。便是工於揣摩。

又

人不易知。知人亦不易言。而操守一節。尤爲難知。亦最爲要緊。人鬼關頭。既要看得破。又要把得定。有平時議論矯矯。而財利當前。或以爲人不及知。或以爲事無大礙。或以爲如何巧取。尙可抵飾。在本人旣不能自保。旁人豈可輕信。

諭廣信府

書院專祀朱子。宗仰甚正。固諸生之奮志向學。亦見守土者之雅意振興也。匾額發來。望諸生以鹿洞學規爲宗。立志勵行。於誦讀中切已反求。勉爲有用之實學。不僅以口耳詞。

章畢讀書之能事乃能不愧紫陽宗派也。比來師席自然得人。凡與諸生相見時。當以此意語之。

寄戴

修永書

安命卽所以守正。仕途無百年不去之官。吾輩有不可一日失守之道。惟足下裁之。

寄劉含章新翰書

教士惠民懲惡安良之大政。任勞任怨勢所不免。有初行或難驟服。而久之乃覺相信者。若初行旣覺欣感。則久之更易淡洽。有恆可以作聖論政益。以無倦移風易俗。非一朝一夕之故也。

增定私纂

卷上

二二

三

寄吳

湘臯書

讀書專爲窮理。則識見日增。作文發自中心。則根柢自厚。多讀一書。卽得一書之益。多作一文。卽見一文之效。舉業事功。同出一原文。風土習。駸駸日上。樂育之功。良不淺鮮。

寄冷節臣時松書

揚郡風氣最講打點。又善營求。夜長則夢多。事久則弊。生官司耐一時之煩勞。則小民受無窮之福。凡事止宜就事論理。不必問其人之地位。若何。若以避嫌爲高。矯情取譽。必多不得其平之處。來札謂腥羶之地。而以冷性處之。此言已得要領。亦近日居官中第一義也。

寄朱南湖書

經此波折。益知吾輩官場中。雖極應爲之好。

培遠堂私箴

卷上

二二一



事尤須腳踏實地。詳慎出之。乃爲得策。蓋人心不同。如其面焉。能必世人皆我知。卽或知矣。能必知我者。卽皆信我而爲我也。惟有事求其自信。稍有不信。不敢自欺。至於人之肯信與否。則竟可不計。此吾輩所宜審端而用力也。

寄王

文鼎書

辛酉

仕途順逆。百凡皆有定數。祇能盡其在我。自求無愧。不必尤人。亦不可尤人也。平心而論。

雖或事出意外亦必所處不善有以招之返觀內照其理自見其氣自平

寄邵 其德書

詞苑爲國家儲才之地茲當教習之時給以膏火優以安居正可專意下帷屏絕酬應以取日知之益至於館閣文章首先藻麗不得不爲著意而學須有根柢內而身心外而經濟皆宜隨時用力非徒在鏤月雕雲也

寄王鍾陵恕書

增定手札卷上

三三二



自維此身一官本非天賦世襲之物升沈通塞數之所遭隨時有應盡之職隨事有不昧之心不敢稍存退阻有負恩遇惟知已有以信我亦惟知已有以策我也

寄宮怡雲書

吾輩與物相接難必八人在情理之中惟自反不愧此外俱當聽之而身在仕途尤宜委曲以濟公家之事稍有直遂雖在我可以自

信而於公事無濟。即便與之分過。若每事自
已認回幾分。不是。又替別人原諒幾分。不是。
庶無難與之人。亦無難處之事。近常以之自
勉。並時以此告知。已當不以爲迂也。

又

連次把手。具見反躬克己。腳踏實地。有一番
切實工夫。責已而人。自不我咎。恕人而人樂
爲我用。以此推行。經世偉業。皆不外此。

寄周

人驥書

境堂手札卷上

二四

三

邇來漕政。半由於例之太多。偶有未善。卽設
一例。究竟法立弊生。所除者一二人之弊。而
所苦者多矣。卽如糧船食米餘米。原可聽其
沿途得價變賣。旣有益於旗丁。亦有資於沿
河民食。乃竟視爲來歷不明之物。層層查禁。
其所以禁之之故。不過曰盜賣漕米。試問自
有漕以來。通倉果皆掛欠否。偶有掛欠。果皆
無追否。不此之審。而惟以賣米苦爲禁例。究
竟旗丁所帶餘米。豈甘置之無用。不過徒爲

一路弁兵所利耳於事無益也

寄宮怡雲書

來札以變化氣質津津有味乎其言之良足
欽佩愚見立言之緩急當以所事爲斷中有
所見而事無關係緩言可也不言亦可也不
然恐難一概以含容出之蓋事大則所爭者
事也事明而止於已何有

寄儲

起綸書

邊地民愚獠獷尤甚然凡民具有天良恩信

所孚自能不勞而理每見官涖其地輒先有
厭薄之心甚則有嫉惡之意父母斯民之謂
何

朝廷設官爲民之謂何果能休養化導有一
段實心實力而民頑如故然後責民未晚也

寄徐

本仙書

來札於讀書爲學之是非利弊暢切言之語
語從體認中來循環展誦實獲我心試思

國家何所需於文藝而以此取士耶蓋謂能

作文者必曾讀書。能讀書者必能明白道理。變化氣質耳。不謂揣摩術工。讀書者自讀書。而於道理不求甚解。卽心能解之。而言與行背。以致不能變化其氣質。又焉能澤及於民。物今日欲救讀書之弊。而收取士之效。惟有講求身心格致之學。知在此行亦在此。以此學卽以此仕。庶幾近之。

寄王罕皆書

近日士子非盡作文之不如法也。實由看得

文章。不過空言。無關實事。撫拾成文。原自有餘。講求義理。考核實事。則十無一二。視此文爲敲門之瓦。無珠之櫝者。非一日矣。

朝廷考言詢事。明知文不足以定人。而舍此亦無憑以試士。竊以爲言者心之聲。聖人察言。先於觀行。今日士子之文。卽士子之言也。固不敢謂卽文以定其素行。亦當就文以觀其識見。莫如將先輩名文。擇其囊括史事。暢切人情物理。有關世道人心者。雖不應舉。亦

可當格言一則如黃陶菴方靈臯諸公之文
爲之選擇加以評點別爲一冊重在有議論
有見解有質實以救空言勦襲之弊於學校
人才不無裨益

寄楊星亭書

古人位益高則心益下原非故示謙抑實見
得顯秩難於相副大業貴於及時此中欲然
未敢自以爲是耳高明定已見及於此望廻
光返照益勵虛中以宏遠略也

瓊堂手札卷上

二二七

寄吳湘臯書

壬戌

江西文章多有貌爲古奧故作艱深人不能
解直至已亦不能解說幾於自欺欺人文章
關乎心術此種習氣最宜澄汰

寄家聖泉書

官場習氣已深每日自上及下忙忙鹿鹿雖
有治民之排場全無及民之實事官執法以
及民民亦卽玩法以欺官官日多法日密而
民益無以自全風俗人心之壞其機自上其

流及下也。

寄張楞阿若震書

交代事竣。便可挂帆旋里。南陔之日月彌長。
膝下之晨昏可戀。依依色養。樂有餘懽。實爲
清門盛事。况以壯盛之年。而得優游林下。奉
親讀書。可謂士林佳境。

培遠堂手札節存卷上

終

培遠堂手札節存

卷上

二二八



